



Халқ сўзи

Ўзбекистон —
келажаги
буюк
давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2018 йил 19 июль, № 147 (7105)

Пайшанба

Сайтимишга ўтиш учун QR-коднинг
телефонингиз орқали сканер қилинг.



Ўзбекистон Республикаси Президентининг ҚАРОРИ

2018 йилда қишлоқ жойларда янгиланган намунавий лойиҳалар бўйича арзон уй-жойлар ва шаҳарларда арзон кўп квартиралли уйлар қуриш дастурларини амалга ошириш механизмларини такомиллаштиришга доир қўшимча чора-тадбирлар тўғрисида

2018 йилда қишлоқ жойларда янгиланган намунавий лойиҳалар бўйича арзон уй-жойлар ва шаҳарларда кўп квартиралли уйлар қуриш дастурларини самарали амалга ошириш, аҳолининг шинам тураржойга бўлган эҳтиёжини қондириш, шунингдек, фуқароларнинг фаровонлик даражасини янада ошириш ва тураржой шароитларини яхшилаш мақсадида:

1. Ўзбекистон Республикаси Иқтисодиёт вазирлиги, Молия вазирлиги, "Қишлоқ қурилиш банк" АТБ, Ташқи иқтисодий фаолият миллий банки, "Ипотека банк" АТБ, Халқ банки АТБ, "Асака" АТБ ва "Ўзсаноатқурилишбанк" АТБнинг (кейинги ўринларда иштирак этувчи тижорат банклари деб юритилади) 2018 йил 1 июндан 2020 йил 1 январгача бўлган даврда 20 йил муддатга, 3 йиллик имтиёзли давр ҳамда биринчи 5 йил мобайнида йиллик 7 фоиз ставкаси билан ва кейинги даврда Ўзбекистон Республикаси Марказий банкнинг қайта молиялаштириш ставкаси миқдоридан ипотека кредитларини:

а) қишлоқ жойларда янгиланган намунавий лойиҳалар бўйича арзон уй-жойлар қуриш учун уй қурувчиларга дастлабки бадал:

0,02 га ўлчамли ер участкаларида жойлаштириладиган икки, уч, тўрт, беш қаватли кўп квартиралли (2 ва 3 хонали) ва 2, 3 хонали бир қаватли арзон уй-жойлар учун — 10 фоиз миқдорида;

0,04 га ўлчамли ер участкаларида жойлаштириладиган икки қаватли 4 хонали биришарилган арзон уй-жойлар ва 0,06 га ўлчамли ер участкаларида жойлаштириладиган

3, 4 ва 5 хонали арзон уй-жойлар учун — 25 фоиз миқдоридан бўлишини назарда тутган ҳолда;

б) шаҳарларда ёш оилаларга, эски уйларда яшовчиларга ва тураржой шароитларини яхшилашга муҳтож бўлган фуқароларнинг бошқа тоифаларига дастлабки бадалнинг табақалаштирилган миқдорини амалиётга жорий этган ҳолда, арзон кўп квартиралли уйларни ўртача 15 фоиз миқдоридан дастлабки бадал билан сотиб олиш учун бериш тўғрисидаги таклифига розилик берилсин.

2. Ўзбекистон Республикаси Молия вазирлиги:

иштирак этувчи тижорат банкларининг бююртманомалари бўйича тураржой шароитларини яхшилашга муҳтож бўлган оилалар учун арзон уйлар қуриш учун 20 йил муддатга, жумладан, дастлабки 5 йил мобайнида йиллик 3 фоиз ставкали 5 йиллик имтиёзли даврни ўз ичига олган ва кейинги даврда иштирак этувчи тижорат банкларининг йиллик 4 фоиз миқдоридан маржаси чегириб ташланган ҳолда Ўзбекистон Республикаси Марказий банкнинг қайта молиялаштириш ставкаси миқдоридан, кредит линияси маблағларини Қишлоқ жойларда янгиланган намунавий лойиҳалар бўйича арзон уй-жойлар қуриш дастури доирасида уй-жойлар қуришга мақсадли йўналтирилган ҳолда миллий валютада кредит линиялари очсин;

ушбу қарордан келиб чиқадиган ўзгартиришларни ҳисобга олган ҳолда, қишлоқ жойларда уй-жойлар қуришни молиялаштириш учун 2018 йилда Ўзбекистон Республикаси Давлат

бюджети маблағлари ҳисобидан қўшимча маблағлар йўналтирсин.

3. Ўзбекистон Республикаси Инвестициялар бўйича давлат қўмитаси ва Молия вазирлиги:

шаҳарларда арзон кўп квартиралли уйлар қуриш доирасида "Ўзбекистоннинг ипотека бозорини кенгайтириш" лойиҳасини амалга ошириш бўйича Осиё тараққиёт банки билан бир ой муддатда музокаралар олиб борсин; Иқтисодиёт вазирлиги билан биргаликда аҳоли билан мулоқот натижаларига кўра аниқланган қўшимча қишлоқ жойларда янгиланган намунавий лойиҳалар асосида қўшимча арзон уй-жойлар ва шаҳарларда кўп квартиралли уйлар қуришни молиялаштиришга доир таклифлар киритсин;

2018 йил охиригача ушбу қарор талабларидан келиб чиққан ҳолда қишлоқ жойларда уй-жойлар қурилишини молиялаштириш соҳасида халқаро молия институтлари (Осиё тараққиёт банки, Ислон тараққиёт банки, Саудия тараққиёт жамғармаси) билан тузилган қарз битимларига ўзгартиришлар киритиш чораларини кўрсин.

4. Кейинчалик "Қишлоқ қурилиш инвест" ИК" МЧЖнинг йиллик 5 фоиздан юқори бўлмаган ставкаси бўйича кредит линияси очилган ҳолда, Ўзбекистон Республикаси Молия вазирлиги ҳузурдаги бюджетдан ташқари Пенсия жамғармасининг "Қишлоқ қурилиш банк" АТБ депозитига йиллик 3 фоиз ставка бўйича жорий йил 1 ноябргача жойлаштириладиган 210 миллиард сўм

миқдоридан вақтинча бўш маблағлари импорт ёғоч-тахта материаллар ва том ёпиш учун темир листларни харид қилиш манбаи этиб белгилансин.

5. "Қишлоқ қурилиш инвест" ИК" МЧЖ иштирак этувчи банклар билан биргаликда:

Ислон тараққиёт банкининг кредит линиялари бўйича "Қишлоқ қурилиш инвест" ИК" МЧЖ ҳисоб рақамларида жамланган, 2015 — 2017 йилларда шакллантирилган уй қурувчиларнинг дастлабки бадалларини икки ҳафта муддатда Ўзбекистон Республикаси Давлат бюджетига йўналтирсин;

ҳар ярим йил якуни бўйича Ўзбекистон Республикаси Молия вазирлигига аввал аҳолига ажратилган кредитлар муддатидан олдин қоплангани тўғрисида ахборот киритсин ва вазирлик билан келишган ҳолда ушбу маблағларни уй-жойлар қуришга йўналтирсин.

6. Ўзбекистон Республикаси Президентининг иловага мувофиқ айрим қарорларига ўзгартириш ва қўшимчалар киритилсин.

7. Мазкур қарорнинг ижросини назорат қилиш Ўзбекистон Республикаси Бош вазирининг биринчи ўринбосари — "Ўзбекистон темир йўллари" акциядорлик жамияти бошқаруви раиси А. Ж. Раматов ва Ўзбекистон Республикаси Бош вазирининг ўринбосари — молия вазири Ж. А. Кўчқоров зиммасига юклансин.

Ўзбекистон Республикаси
Президенти **Ш. МИРЗИЁЕВ**

Тошкент шаҳри,
2018 йил 18 июль

ПАРЛАМЕНТДАГИ МУХБИРИМИЗ ХАБАР ҚИЛАДИ



Болалар манфаатларини ҳимоя қилиш — долзарб вазифа

Муайян сабаблар туфайли ажралиш бўлган оилада ҳам ҳаёт давом этаверади. Ота ҳам, она ҳам ўз аравасини ўзи тортishi мумкин. Бироқ орада вояга етмаган, ҳали ҳақ-ҳуқуқларини танимаган, катталарнинг муҳофазасига муҳтож фарзандлар бўлса-чи? Уларнинг ота ё она меҳридан мосуво ярим кўнглини тўлдирish қийин, албатта. Улар вояга етиб, мустақил ҳаётга қадам қўйиб, оёққа турғунча бўлган даврдаги қонуний ҳаққи — алиментдан ҳам бенасибу бебаҳра қолса, уларнинг дардини ким эшитади? Ҳуқуқларини ким ҳимоя қилади?

Олий Мажлис Қонунчилик палатасидаги Ўзбекистон ХДП фракцияси томонидан Қонунчилик ва суд-ҳуқуқ масалалари бўйича комиссия билан ҳамкорликда ташкил этилган "Оила муҳитининг фарзанд тарбиясига таъсири: ажралишлар таҳлили ва болалар тақдири" мавзудаги давра суҳбатида ана шу масала қизгин муҳокама қилинди.

Иштиракчилар мамлакатимизда оила институтини мустаҳкамлаш борасида олиб борилаётган ислохотларга соя солаётган мазкур масала ҳусусида сўз юритишар экан, биринчи навбатда, ёш оилалар ўртасидаги арзимас муаммолар юзасидан келиб чиқадиган тушунмовчиликлар туфайли ажримларнинг кўпаяётгани, миллийликка, халқимизга хос бўлган натижа билан яқунлаётгани барчамизни ташвишлантириши лозимлигини таъкидладилар.

Аслида, юртимизда болаларнинг ҳуқуқ ва эркинликлари Ўзбекистон Республикасининг бир неча қонун ҳужжатлари билан кафолатланган. Ўзбекистон Республикасининг Конституцияси, "Бола ҳуқуқлари

кафолатлари тўғрисида"ги Қонун, Оила, Фуқаролик кодекслари ва бошқа норматив-ҳуқуқий ҳужжатлар шулар жумласидандир. Бироқ қонунчилик базаси қанчалик мустаҳкам бўлмасин, воқелик бу борада кўплаб муаммолар борлигини кўрсатмоқда.

Маълумотларга қараганда, 2017 йил мобайнида судларга алимент мажбуриятлари бажарилмаслиги билан боғлиқ 47,4 мингта, 2018 йилнинг биринчи чорада эса 11,8 мингта ариза келиб тушган. 2018 йилнинг 1 июнь ҳолатига кўра, давлат ижрочилигида 245,4 мингта алимент ундириш бўйича ижро ҳужжати мавжуд, шундан 60 мингтаси (24 фоизи) иш ҳаққини ундиришга қаратилган.

2017 йилда жиноят ишлари бўйича судлар томонидан 3,7 минг нафар алимент юзасидан қарздорга нисбатан ишлар кўрилган. Ҳозирги кунга келиб алимент тўламаётган 2,3 минг нафардан зиёд фуқароларга нисбатан қидирув эълон қилинган. 180 минг нафар қарздор ота ёки она доимий даромад манбаига эга эмаслиги туфайли алимент тўла олмайётгани аниқланган.

(Давоми 2-бетда) >>>

Давлат сиёсатининг устувор йўналиши

Тошкентда БМТнинг Болалар жамғармаси (ЮНИСЕФ) ва Ўзбекистон Республикаси ҳукумати ўртасидаги ҳамкорлик масалалари бўйича йиғилиш бўлиб ўтди.

АНЖУМАН

Унда иштирак этиш учун ЮНИСЕФнинг Европа ва Марказий Осиё бўйича минтақавий директори Афшан Хан Ўзбекистонга ташриф буюрди. Мақсад — 2020 йилгача бўлган даврдаги ўзаро ҳамкорлик йўналишларини, Ўзбекистонни ривожлантириш бўйича миллий стратегиянинг устувор соҳаларини муҳокама қилиш ва болалар ҳуқуқларини, айниқса, ижтимоий жиҳатдан заиф болаларни ҳимоялаш бўйича биргаликдаги ҳаракатларни аниқлаб олишдир.

Ўзбекистон болалар сони бўйича Марказий Осиёда биринчи ўринда туради, қолаверса, дунёнинг аҳолиси энг ёш давлатларидан биридир. Бугунги кунда мамлакатимиз болалар ва ёшлар ҳуқуқларининг асосий кафолатларини мустаҳкамлашга, бу борада илгор халқаро андозаларни татиқ этишга алоҳида эътибор қаратмоқда.

Ўзбекистон БМТнинг Бола ҳуқуқлари тўғрисидаги конвенциясига

қўшилган. Ҳозирги кунда ушбу Конвенция талабларини ижро этиш жараёнига ҳукумат, кўплаб вазирликлар жалб қилинган. — Ҳамкорларимиз билан яқин истиқболда ўзаро амалга ошириладиган ҳаракатлар дастурини муҳокама қилиш учун йиғилдик, — деди мажлисда сўзга чиққан ЮНИСЕФ минтақавий директори Афшан Хан. — Бир қатор муҳим йўналишлар — соғлиқни сақлаш тизимини ривожлантириш, болалар ва ёшлар келажақда янада яхшироқ ҳаёт кечириши учун таълимни кучайтириш каби умумий мақсадларимиз бор. Кам таъминланган оилалар, уларга зарур ижтимоий шароитларни яратиш масаласи ҳам алоҳида эътиборимизда. Биз мамлакат Президентини томонидан белгилаб берилган юксак марраларга эришиш йўлида республика ҳукумати билан бундан кейин ҳам қўллаб-қувватлашга тайёрмиз.

(Давоми 2-бетда) >>>



Ўзбекистонда ишлаб чиқарилган

Қуёш нури энергияга айланади



Барчамизга яхши маълумки газ, нефть, кўмир каби анъанавий ёқилғи турлари битмас-туганмас эмас. Шу боис сўнгги пайларда энергетикада муқобил манбалардан фойдаланишга алоҳида эътибор қаратилиб, соҳанинг ҳуқуқий асослари яратилляпти. Натижада тармоқда ишлаб чиқариш субъектлари кўпайиб бормоқда.

Пойтахтимиздаги "Mir Solar" масъулияти чекланган жамияти шулардан бири бўлиб, бу ерда дастлаб электр жиҳозларини ишлаб чиқариш ўзлаштирилган. Кейинчалик эса фаолият муқобил энергия қурилмалари, яъни қуёш панелларини ишлаб чиқаришга йўналтирилди. Бу тўғри қарор эди. Чунки қайд этганимиздек, ҳозирги кунда бундай жиҳозларга талаб юқори. Қолаверса, у жуда қулай, юртимиз шароитига мос.

— Ўзбекистон — қуёшли ўлка, — дейди қорхона директори Зулфия Алимова. — Қорхонамизда йилга қарийб 10 миллион ватт қувватга эга қуёш панеллари ишлаб чиқарилаётган. Марказий Осиё иқлимига мос тарзда тайёрланган ускуналаримизни халқ ҳужалигининг турли

тармоқларида қўллаш мумкин. Масалан, "Suv-10" ускунаси бир кеча-кундузда 500 литргача сувни иситиб бера олади. Оғирлиги эса бор-йўғи 50 килограмм. Маққур қурилма ўрнатилган субъектда бир квадрат метрга ҳисоблаганда, йилга 214 килограмм шартли ёқилғи, 183 куб метр табиий газ ёки 1684 киловатт соат электр энергияси тежалади. Бу кўпроқ хонадонлар ёки кичик хизмат кўрсатиш шохобчалари учун қўл келади. Шунингдек, артезиан қудуқлардан сув чиқариш тизимида фойдаланиши фермерларга экинларини сугоришда айни мудаодир.

Дилшод УЛУҒМУРОДОВ,
«Халқ сўзи» мухбири.

Ҳасан ПАЙДОЕВ олган суратлар.

Ўзбек академикнинг монографияси Европада чоп этилди

Яқинда академик Иброҳим Абдурахмоновнинг "Genotyping" ("Генотиплаш") ҳамда "Bioinformatics in the Era of Post Genomics and Big Data" ("Постгеномика ва йирик маълумотлар даврида биоинформатика") китоблари Буюк Британиянинг машҳур "IntechOpen" нашриётида чоп этилди. Бу Ўзбекистон Фанлар академиясига янги сайланган академикларнинг "Йўл харитаси"да белгиланган вазифалар асосида амалга оширилди.

ЭТИРОФ


"Генотиплаш" организмдаги генотиплаш жараёнининг асослари, шунингдек, янги турдаги, арзон нархлардаги генотиплаш воситалари, генотип маълумотлар ва дастурлари билан таъминлаш, "Постгеномика ва йирик маълумотлар даврида биоинформа-

тика" китоби эса биоинформатика фанининг сўнгги ютуқлари ҳақида маълумот беради. Ушбу монографияларнинг Европада нашр этилиши ўзбек илм-фанининг жаҳонда ўз ўрнига эга бўлиб бораётганини тасдиқлайди.

Д. АБДУРАХИМОВ.

САЙЁҲЛИКНИНГ ЯНГИ БРЕНДИ

туристлар оқимини кўпайтиришга хизмат қилмоқда



Бетакрор табиат, тарихий обидалар, табаррук қадамжолар, сўлим дам олиш масканлари. Булар дунёга янги имидж билан юзланаётган замонавий Ўзбекистоннинг туризм соҳасини ривожлантириш, сайёҳлар оқимини кескин оширишда айна муддаодир. Кейинги пайтда ушбу имкониятлардан оқилона фойдаланиш мақсадида кенг қамровли ишлар олиб бориляпти.

Президентимизнинг туризм салоҳиятини ривожлантириш учун қулай шароитлар яратишга доир қабул қилган Фармон ва қарорлари бунда муҳим аҳамият касб этмоқда.

Сурхондарё — сайёҳликнинг барча йўналишини ривожлантириш бўйича улкан салоҳиятга эга ҳудуд. Айна пайтда воҳада экотуризм, агротуризм, экстремал шароитлар туризмининг ривожлантириш мақсадида маданий мерос объектларини таъмирлаш, ободонлаштириш, сайёҳлар учун оммавий кўнгилочар тадбирларни ташкил этиш, меҳмонхоналарда хизмат кўрсатиш сифатини юксалтириш, замонавий инфратузилма объектлари барпо этишга доир кўплаб истиқболли лойиҳалар ҳаётга татбиқ этиляпти.

Давлатимиз раҳбарининг вилоятга ташрифи чоғида туризмни ривожлантириш бўйича берган топшириқлари асосида мавжуд туристик объектлар ҳамда воҳа тарихи чуқур ўрганилгани ҳолда, Сурхондарё туризм брендининг намунавий лойиҳалари ишлаб чиқилди. Қадимий ёдгорликлар ва муқаддас қадамжолар бўйлаб Термиз — Денов, Термиз — Бойсун ҳамда Термиз — Музработ маршрутлари бўйича янги йўналишлар очилди.



Экотуризм масканлари сайёҳлик йўналишларини белгилашнинг муҳим омилдир. Ушбу жиҳат инobatга олиниб, бир вақтнинг ўзида тўрт фаслнинг турфа манзараларини кузатиш мумкин бўлган воҳанинг ҳайвот ва ўсимлик дунёси, сув манбаларини асраб-авайлаш ҳамда табиий ресурслардан унмлли фойдаланишга алоҳида эътибор қаратиляпти.

— Вилоятимизда учта кичик туризм зонаси ташкил этилмоқда, — дейди Ўзбекистон Республикаси Туризмни ривожлантириш давлат қўмитасининг Сурхондарё вилояти ҳудудий бошқармаси бошлиғи А. Хўжақулов. — Хусусан, Бойсун туманида Омонхона ва Дарбанд қишлоғи, Завбоши тоғли ҳудудларини ўз ичига олган Бойсун кичик туризм зонаси барпо этилади. Сариосиё ҳамда Узун туманларида Хонжиза тоғ тизмалари ёнбағирларида, Сариосиё тумани Сангардак қишлоғи ҳудудларида — Сариосиё, шунингдек, Шеробод тумани Шалқон қишлоғи, Хўжаикон туз қони ҳудудида — Шеробод кичик туризм зоналари ташкил этилади. Ҳар учала туристик зонада Туркия Республикасининг "IdealIST" компанияси билан тоғ кластери ҳамда тоғ-дор йўллари курилишини лойиҳалаштириш ишлари олиб бориляпти.

Бойсун, Шеробод ва Сариосиё туманларида хонадон ағаларининг розиликларига кўра 63 та "меҳмон уйи"ни ташкил этиш режалаштирилган бўлиб, ҳозирги кунда Бойсун туманидаги 20 та "меҳмон уйи" туристларни қабул қилишга тайёр ҳолатга келтирилди.

Буюк Ипак йўли чорраҳасида жойлашган воҳада мавжуд муқаддас қадамжолар, қадимий обидалар ҳамда маданий мерос намуналари дунё сайёҳларини ҳамаша оҳанрабодек ўзига чорлайверади. Хусусан, Қоратепа, Қирқиз, Кокилдор ота, Султон Саодат, Зурмала, Фаёзтепа, Жарқўрғон минораси, Саид Оталиқ мадрасаси, Исқандар кўприги, Кампиртепа ва бошқа ёдгорликлар вилоятда янгидан-янги сайёҳлик йўналишларини ташкил этиш имконини бермоқда.

"Ўзбекистон бўйлаб саёҳат қил" шiori остида мамлакатимиз бўйлаб сайёҳлик хизматлари қўлами ҳам, сифати ҳам тобора яхшилана бораётир.

Бугунги кунда вилоятда 374 та маданий мерос объекти мавжуд бўлиб, шундан хоржиий туристлар ташриф буюрадиган асосий объектлар 52 тани ташкил этади. Вилоятга сайёҳларга сифатли транспорт хизматларини кўрсатиш мақсадида 13 та автобус олиб келиш кўзда тутилган. Айна пайтда вилоятнинг шаҳар ҳамда туманларида 18 та икки ва уч юлдузли меҳмонхоналарнинг курилиши бошлаб юборилган.

Ҳаёт чашмаси

Сурхон воҳасининг Шимоли-Шарқда жойлашган Сангардак шаршараси — мўъжизалар маскани. Улкан қоялардан тушаётган сув томчилари камалак ранг тус олиб, кўз ўнгингизда ажиб манзарани акс эттиради. Баланглиги қарийб 150, ёйсимон шаклдаги эни 80 метрни ташкил этадиган ушбу шаршаранинг тепа қисми баланд қоялардан иборат.



Иккинчи қисми эса Қашқадарё вилоятининг Гузор ҳамда Дехқонобод туманлари билан туташиб кетган. Тоғдан шаррос оқиб тушаётган ҳаёт чашмаси, қишда бир оз камайса-да, эрта баҳордан яна чор-атрофга ўзининг гўзаллигини кўз-кўз қила бошлайди.

Вилоят марказидан 200 километр олдидан жойлашган ушбу сўлим гўша пурвиқор тоғлар макони бўлиши баробарида, паст-баланд адирликлар, дарё ва водийларга туташиб кетган, Шаршара сувининг шифобахш ҳамда шаффофлигини айтмайсизми?! Шундан бўлса керак, диёримизнинг дилтортар, оромбахш ошёни — Сангардак шаршараси нафақат юртдошларимизни, балки хоржиий меҳмонларни ҳам доим ўзига мафтун этиб келади.

Айтиш жоизки, бу йил Сариосиё тумани ҳокимлиги ҳамда ҳомийлар томонидан шаршара атрофида панжарали йўлақлар, шинам айвонлар ва бошқа зарур шароитлар яратилди.

— Сангардак шаршараси таърифини эшитган киши борки, табиатнинг бу мафтункор масканига бир мартаба бўлса-да келишни астойдил орау қилади, — дейди шўрчилик Бахтиёр Алиқулов. — Ҳар сафар бу ерга келганимда руҳимда кўтаринчиликни, инсон ва табиат ўртасида кўринмас ришта борлигини ҳис қиламан.

Зиёрат туризмнинг муҳим йўналиши

Сурхон диёри илм-фаннинг турли йўналишида беназир бўлган кўплаб улуг олим мутафаккирларни камолга етказган муқаддас гўшадир. Чунончи, буюк муҳаддис имом Абу Исо Термизий ҳам шу замин фарзанди. Алломанинг мақбараси Шеробод туманида жойлашган бўлиб, мустабид тузум даврида тамомила қаровсиз бўлиб қолган мақбара мажмуаси 1990 йили Имом Термизий таваллудининг 1200 йиллиги муносабати билан қайтадан таъмирланиб, муқаддас зиёратгоҳга айлан-тирилди.

Утган йили Президентимиз Шавкат Мирзиёевнинг ташаббуси билан Абу Исо Термизий мажмуасида улкан таъмирлаш ва ободонлаштириш ишлари амалга оширилди. Жумладан, 450 ўринли масжид, бешта шарқона айвон ва учта дарвоза қурилды. Имом Термизий мақбараси қайта таъмирланиб, унинг ёнига қўшимча зиёратгоҳ бунёд этилди. Манзарали дарахт ва анвойи гуллар кўчатлари экилди. Мажмуа атрофи девор билан ўралди. Қўркам ҳамда муаззам бу жой ҳозирда нафақат маҳаллий зиёратчилар, балки хоржиий сайёҳлар учун ҳам муҳим туристик йўналишлардан бирига айланган.

— Улуг аждодимиз мангу кўним топган мақбара ҳудудида амалга оширилган улкан қурилиш ва ободонлаштириш ишлари халқимизнинг айна кўнглидаги истакнинг ижобати бўлди, — дейди Имом Исо Термизий ёдгорлик мажмуаси раҳбари Рўзибой Авазов. — Бу эса миллий, диний қадриятларимизни асраб-авайлаш ҳамда зиёрат туризмни ривожлантиришда муҳим аҳамият касб этмоқда.

Термиздаги Ҳаким Термизий ёдгорлик мажмуаси ҳам доимо зиёратчилар билан гавжум. Диний ва дунёвий илмлар билимдони, мутафаккир олим Ҳаким Термизий ҳаёти давомида 400 дан ортик асарлар ёзган бўлса, шулардан 60 га яқини бизгача етиб келган.

Ҳаким Термизий вафотидан сўнг, унинг қабри устида мақбара қурилган бўлиб, иншоот IX — XV асрларга оид меъморий аъналарни ўзида акс эттирган. Сўнгги йилларда бу ерда кенг қамровли реставрация ишлари амалга оширилиб, қарийб 10 гектарни ташкил этадиган мажмуа ҳудуди замонавий ландшафт дизайни асосида ободонлаштирилди, қўркам масканга айлантирилди.

— Мақбарани реконструкция қилиш жараёнида маданий қатламни очиб, ўрганиш, миллий меъморлик аъналарини давом эттиришни ўз олдимизга мақсад қилиб олдик, — дейди археолог олим Тўхташ Аннаев. — Бинобарин, Ҳаким Термизий мақбараси эски Термиз ҳудудидаги тарихий обидаларнинг бир бўлаги сифатида қадимги цивилизация марказини археологик тадқиқ этишда муҳим саналади. Кейинги йилларда ҳудудда олиб борилган қазимша ишлари натижасида қўрға киритилган ноёб экспонатлар Термизийлар тарихи музейи кўргазмасидан ўрин эгаллаб, ёш авлодин аждодларга ҳурмат, Ватанга садоқат руҳида тарбиялашга хизмат қилмоқда.


Далварзентепа сирлари

Далварзентепа... У қадимий Қушон империяси, ўша давр шаҳарсозлиғи илк давлатчилик асослари ва маданий ҳаёт ҳақидаги тасаввурларимизни бойитадиган ёдгорликдир.

Бугун харобага айланган бу қўхна обида ўз бағрида не-не синаотларни жамламаган, дейсиз. Археологик тадқиқотлар унинг тилсимларини бирин-кетин очиб имконини берди. Бу ерда ўтган асрнинг 60-йилларидан кейин қазимша ишлари бошланган бўлиб, 1972 йилнинг 25 сентябрида таниқли олим Баҳодир Турғунов раҳбарлигидаги археологлар Далварзентепадан 36 килограм олтин топишгани қадимшуносларнинг ноёб топилмаси бўлганди.

Сопол кўзадаги 115 хил тилло буюмдан иборат турли шаклдаги қуйма ёмблар, гардиш буюмлар, эркак ва аёлларнинг тақинчоқларидан иборат эди. Зебу зийнатлар орасидан феруза кўзли, зарҳал иплардан нафис ишланган маржонлар ҳам ўрин олган. Буларнинг барчаси Юнон-Бақтрия зарғарлик санъатининг ноёб намунаси, Ўзбекистон қадимшунослиги тарихидаги бетакрор топилмалардир.

Дарвоқе, ўзбек-япон экспедицияси томонидан Далварзентепада олиб борилган тадқиқотлар туфайли қарийб эллик гектар майдонни эгаллаган шаҳаристондан турли ҳайкаллар, сопол кўзалар, ўқ-ёйлар, қувурлар қазиб олинди. Жумладан, Будда ҳайкалининг бош қисми, қимматбаҳо фил суягидан тайёрланган шахмат доналари, Қушон подшоҳларининг номи зарб қилинган мис тангалар, қимматбаҳо тошлардан ясалган мунчоқлар, мис кўзулар, шошқол доналари "аср топилмаси" сифатида қайд этилди. Бу каби ноёб экспонатлар тарих тилсимларини очиб баробарида, миллий давлатчилигимизни ўрганиш, аждодларимизнинг буюк ўтмишини англашда муҳим манба бўлиб хизмат қилмоқда.



қот экспедицияси, Тохаристон комплекс илмий экспедицияси ҳамда дунёнинг таниқли археологлари бошчилигидаги ўзбек-япон, ўзбек-немис, ўзбек-француз, ўзбек-рус, ўзбек-хитой, ўзбек-испан, ўзбек-корейс ва ўзбек-чех экспедициялари илмий-археологик изланишлари самарасидир.

Музей мажмуаси ички ҳовлисида устун асослари галереяси бўлиб, унда антик давр санъати, Қушон даври маданиятига оид ноёб устун асослари намуналари намойиш этилган. Милодий I — III асрларга оид хумлар, шер тасвири туширилган капитель, милодий I — X асрларга оид сопол қувурлар, милодий XIV-XV асрларга оид исломий ёзувлар билан безатилган мрамар қабртошлар шулар жумласидан.

— Музейлар тарих кўзгусидир, — дейди Термиз археология музейи директори Зебинисо Алимардонова. — Вилоятимиз ҳудудида олиб борилаётган археологик тадқиқотлар туфайли қўлга киритилаётган экспонатлар сони тобора ортаётгани ва уларнинг аксарияти ноёб ҳамда тақрорланмас эканлигини инobatга олган ҳолда, интернет сайтимиз орқали уларни кенг омма ўртасида намойиш қилиш, маҳаллий ва хоржиий сайёҳларга кўпроқ маълумотлар тақдим этишга эришмоқдамиз.

Диний бағрикенглик тимсоли

Қўхна Термиз асрлар давомида дунёвий динлардан бири бўлган буддизм дини ва у билан боғлиқ санъатнинг Марказий Осиё мамлакатларига тарқалишида муҳим роль ўйнаган. Термиз (Тармита)даги Фаёзтепа, Қоратепа, Зурмала каби ёдгорликлар ушбу дин билан боғлиқ.

Фаёзтепадаги асосий иншоотдан бири неча метр Шимоли-Шарқда буддизм динининг муқаддас ёдгорликларидан бири бўлмиш ступа жойлашган. У милоддан аввалги I асрнинг охирида қурилган бўлиб, гўмбаз қисми рангли тасвирларга эга бўлган. Кейинчалик бу ступанинг устидан яна ҳам маҳобатли ступа қурилган. У қадимги санскритда "қоинот мужассамлиги" деган маънони англатади.

Ступаларнинг асоси тўртбурчак ёки шунга яқин бўлиб, бир неча метр балангликка кўтарилган. Бу баланглик устига эса цилиндрсимон иншоот қурилган. Унинг баланглиги 10 метрга яқин бўлган. Ступа усти гўмбазсимон қилиб ишланган ва унга ёғочдан ёки тошдан ясалган лангар ўрнатилган. Лангарда тошдан ясалган бир неча соябон бўлиб, улар буддавийларда чатра, деб аталган. Чатра муқаддас дарахт рамзи, чунки мазкур дарахт соясида Будда ўз диний назариясининг асосларини ишлаб чиққан.

Сурхон воҳаси тарихини 40 йилдан ортик давр мобайнида ўрганган машҳур япон олими, профессор Ката Кюдзонинг изланишларини ва Термиз шаҳрини тарихий далиллар билан исботланган буддизмнинг қадимий ва Фарбий нуктаси сифатида тарғиб қилиш ҳисобига Жанубий, Жануби-Шарқий ва Шарқий Осиё мамлакатларидан кўплаб сайёҳларни жалб қилиш, шунингдек, профессор Ката Кюдзонинг номини абадийлаштириш мақсадида Термиз шаҳрида унинг ҳайкалини ўрнатиш, Япон боғини ташкил этиш ва 100 ўринли меҳмонхона қуриш ишлари олиб борилмоқда. Бу сайёҳлар оқимини кўпайтириш ва туризм истиқболларини таъминлашга кенг йўл очили, шубҳасиз.

"Бойсун баҳори": ҳавас ва ҳайрат уйғунлиги

Инсониятнинг илк манзилгоҳларидан бири — Бойсунда миллий қадриятлар, халқ оғзаки ижоди, амалий ва бадий санъат, урф-одат ҳамда аъналар асрлар оша сайқал топиб келмоқда. Қолаверса, ён-атрофи тоғлар билан ўралган бу ҳудудда фасллар маликаси — баҳорнинг ҳам файзу шукуҳи, қўрқу таровати ўзгача бўлади. Қир-адирлар бағрини алвон ранг билан беазаган лолақизгалдоқларнинг майин тебриши, шарқироқ сойлару боғ-роғлардаги баҳорий тусланишлар беихтиёр кишини ошуфта этади.



Халқ оғзаки ижодининг нодир намунаси — "Алломиш" дostonи ҳам айнан ушбу ҳудуд одамлари, унинг ўтмишидан сўзлайди. Чунончи, тамаддун бешикларидан бири, тилсимотлар маскани Бойсун 2001 йилда ЮНЕСКО томонидан "Инсониятнинг оғзаки ва номоддий мероси дурдонаси" сифатида эътироф этилиши ҳам бежиз эмас. 2008 йилда Инсониятнинг номоддий маданий мероси Репрезентатив рўйхатига киритилди. Бойсунда халқимиз тарихи ва маданиятини ўрганиш, унинг бой меросини сақлаб қолишга бағишланган тадбирлар натижасида тарихчи, археолог, этнограф, филолог, санъатшунос олимлар ҳамда хунармандлар иштирокида элликка яқин ёдгорликлар аниқланди.

Жорий йилнинг 28-29 апрель кунлари Бойсун туманининг Падаг қишлоғида бўлиб ўтган "Бойсун баҳори" очик фольклор фестивали ҳамда хоржиий сайёҳларга бир олам завқ-шавқ улашиб, уларнинг ҳавас ва ҳайратини оширди. Гап шундаки, аънавий тарзда ташкил этилаётган мазкур санъат ва маданият байрами вилоятда туристик йўналишларни кенгайтириш, хоржиий сайёҳлар учун қизиқарли ҳамда мазмунли дастурларни тақдим этиш имконини яратмоқда.

Қисқача айтганда, Сурхондарё туризмни ривожлантириш, сайёҳликнинг янги йўналишларини очтида улкан салоҳиятга эга. Шу мавнода, воҳанинг ички имкониятларидан келиб чиқиб, зиёрат туризми, буддизм туризми, гастрономик туризм, тарихий-маданий туризм, тоғ туризми ҳамда треккинг маршрутлари, эко-агро туризмни ташкил этиш, шунингдек, хизмат кўрсатиш сифатини янада ошириш бўйича аниқ чора-тадбирлар ишлаб чиқилган. Бу эса туризмнинг турли шакллари билан ривожлантиришга имкон яратади.

НАМАНГАН ТОМОНЛАРДА

Кредитга

МИНГТА ТИКУВ ДАСТГОҲИ

"Tristar unitar servis" қўшма корхонаси хориждан келтирган "Tristar" русумли мингта тикув машинасини Норин туманидаги ишсиз хотин-қизларга уч йиллик имтиёзли кредит асосида берадиган бўлди.

Тикув машинаси билан таъминланган аёлларга меҳнат дафтарчаси очилди, дейди корхона масъул вакили Нодирбек Мирзаабдуллаев. Уларни хом ашё билан ҳам таъминлаймиз. Касаначи аёллар футболка, эркаклар шими ва кўйлаклари ҳамда бошқа турдаги маҳсулотларни тайёрлайдилар. Корхона

жамоаси истиқболли лойиҳани изчил давом эттириш ҳаракатида. Кейинги босқичларда Наманган вилоятининг бошқа туманларида ҳам касаначилар сафини кенгайтириб, румол, пайпоқ тўқиш ва бошқа тикувчилик маҳсулотлари ишлаб чиқаришни йўлга қўйиш орқали минглаб хотин-қизлар ижтимоий фойдали меҳнатга жалб этилади.

Технопарклар соҳасида ҳамкорлик кенгаймоқда

Наманган вилоятида технопарклар ташкил қилиш бўйича амалга оширилган қатор лойиҳалар ўз самарасини бермоқда.

Тадбиркорлик жамоалари ишлаб чиқариш ва хизмат кўрсатиш соҳаси учун қўлай инфратузилма шароити яратилган бундай имкониятдан оқилона фойдаланиб, истеъмол бозорини юқори сифатли маҳсулотлар билан тўлдириб, шунингдек, бандлик дастури ижросида фаол қатнашмоқда.

раҳбарлигидаги делегация билан вилоят ҳокимлигида бўлиб ўтган мулоқот чоғида шу ҳақда сўз борди.

Ташир доирасида меҳмонлар вилоят марказидаги "Дўстлик уйи"да жойлашган Корейс миллий маданий маркази фаолияти билан ақидан танишдилар. Давлат хизматлари марказида технопарклар бўйича корейс тажрибаси тақдими ўтказилди.

Корей Республикаси технопарклар ассоциацияси раиси Жехун Ли

Наманган шаҳрининг Янги тонг маҳалласида яшовчи Зулфия Мамадалиева ҳаётда эришган ютуқларини ўқувчилик йилларидаги қизиқиш ва иштироқларининг ҳосиласи, деб ҳисоблайди.

Иновацион ихтиролар соҳибаси

Ўқувчилик чоғида ясаган шомол тегиримони макети билан тенгдошларини қўйил қолдирган қиз Наманган муҳандислик педагогика институтида таҳсил олиб юрган йиллари биогаз олиш қурилмаси яратиш борасидаги тадқиқот ва янгиликлар билан муттасил танишиб борди. Олий ўқув юртида иш бошлаган чоғида тўрақўрғонлик фермер Маҳмуджон Қодиров томонидан билдирилган тақлиф унинг орзуларига қанот бағишлади.

ган микроГЭСнинг тажриба нусхаси Косонсой туманининг Навбахор маҳалласи ҳудудидаги оқова сув каналига ўрнатилди. Агрегат синовдан муваффақиятли ўтди. Тадқиқотчилар қурилмани ясада, асосан, маҳаллий материаллардан фойдаланишди. Фақатгина генератори четдан олиб келинган.



— Қурилманинг баҳоси унча қиммат эмас, — дейди лойиҳа менежери. — Уни яшаш ва ўрнатиш харажатлари билан қўшиб ҳисоблаганда 25 — 30 миллион сўмдан ошмайди. Икки йилда ўзини оқлайди, ўн йил давомида ишлаш кафолати бор.

Янгилигимизга кўпчилик қизиқиш билдирапти. Хусусан, бир қатор тадбиркорлик субъектлари мўқобил энергия воситаси тайёрлаш учун буюртма беришган.

Наманган муҳандислик технология институти ўқитувчиси З. Мамадалиева яқинда пойтахтда ўтказилган "Ўзбекистон аёлларининг юза энг янги иновацион лойиҳаси" республика танловида иштирок этиб, "Энг самарали иновацион лойиҳа" номинацияси бўйича ғолиб бўлди.

Айни пайтда у янги ғояларни амалиётга таъбиқ қилишга астойдил киришган.

Қудратилла НАЖМИДДИНОВ, «Халқ сўзи» мухбири.

АЖДОДЛАРДАН МЕРОС НОЁБ КАСБ

Нурота тоғлари жанубда ҳосилдор ерлар, шимолда эса лалмикор текисликлар орқали бепоеён Қизилқум чўлига тутшиб кетган. Мазкур ҳудуддаги ўнлаб қишлоқ ва овулларда истиқомат қилаётган аҳолининг турмуш тарзи, удум ва аъёнлари, моддий ҳамда номоддий мероси умуминсоний қадриятлар ҳазинасида бебаҳо улуғша эга.

Чорвадорлар диёри Нуротада қорақўлчилик ва каштачилик тарихи деярли тенг. Довруғи ҳам бири-биридан қолишмайди. Чеварлик ушбу заминда ўз мактабига эгалиги боис, халқ амалий санъати бўлими миллий қадриятларимизга эътибор, рағбат кўчирган замонамизда ўз янада раванқ топди. Зеро, авлоддан-авлодга ўтиб, янги-янги жиҳатлар билан сайқал тоған мазкур санъат эндиликда улкан маънавий мерос сифатида турли тадқиқотлар манбағи айланган. Ҳар бир каштачилик намунаси ўз даврининг кайфиятини ифода қилади.

Чорвадорлар диёри Нуротада қорақўлчилик ва каштачилик тарихи деярли тенг. Довруғи ҳам бири-биридан қолишмайди. Чеварлик ушбу заминда ўз мактабига эгалиги боис, халқ амалий санъати бўлими миллий қадриятларимизга эътибор, рағбат кўчирган замонамизда ўз янада раванқ топди. Зеро, авлоддан-авлодга ўтиб, янги-янги жиҳатлар билан сайқал тоған мазкур санъат эндиликда улкан маънавий мерос сифатида турли тадқиқотлар манбағи айланган. Ҳар бир каштачилик намунаси ўз даврининг кайфиятини ифода қилади.

Қўлда тикилган кашта намуналари бўлиши аъёнана айланган. Шу билан келин ўз уйига чинакам "Боғи эрам" гўзаллигини олиб боради. Нурота каштачилигининг яна бир жиҳати ушбу санъат мазкур туманда қадим-қадимдан аёлларнинг бандлигини таъминлашдек ижтимоий аҳамият ҳам касб этиб, унинг син-сироати буйидан набира, қайнонадан келинга ўтиб келган. Шунингдек, каштачилик шўнақи ўқув ва маҳоратгина эмас, санъатга хос нафосат, сабруқаноат, назари тўқлик каби хислатлар боқийлигини таъминловчи улкан маънавий мактаб ҳамдир. Ҳамсухбатимиз Саодат Раҳматованинг учинчи аср билан юзлашган момомерос каштасини яп-янги машинага алмаштирмаганлигининг боиси ҳам, эҳтимол шундир.

— Бу сўзана мен билан қўшиб ҳисоблаганда олтинчи авлодни кўряпти, — дейди Саодат Раҳматова. — Уни сотиб бўлмайди, фақат мерос қилиб бериш керак. Менга марҳум қайнонам қандай топширган бўлса, келинимга шундай топшираман. Нурота каштачилик мактабининг бугунги раванқида санъатсавар ёшлар аллақачон эстафетани қўлга олишган. Улар орасида ёш каштадуз Гулбахор Қодирова тиккан каштачилик намуналари эътиборга молик. У Нурота каштачилигининг аъёнанавий йўналишларини Бўхоро, Қашқадарё, ҳатто, Тожикистон каштачилик композиция ҳамда нақш унсурлари билан бойитиб, Франция, Япония каби қўлпаб мамлакатлардаги халқро кўргазмаларда иштирок этди.

Нурота каштачилиги бугунги кунда тадбиркорлик тусини ҳам олган. Туман марказида минг нафардан зиёд қиз-жувонлар ушбу ҳунар билан машғул. Чекка қишлоқ қизларини унинг синоатларидан воқиф этиш, шу орқали ижтимоий бандлигини таъминлаш мақсадига ўқув курслари ҳам ташкил этилган. Уларда қизлар Нурота каштачилиги билан бирга, ха-

ридоригр Бўхоро зардўзлигини ҳам ўрганишиб, ўз маҳсулотларини кун сайин хорижий сайёҳлар ташрифи ортиб бораётган Чашма мажмуаси кўргазмаларида тақдим этишмоқда. — Нурота амалий санъати, хусусан, каштачилиги ҳудуднинг табиатини, маҳаллий аҳолининг орзу-истакларини ифода этади, — дейди Франциялик сайёҳ Паскаль Махтинелли. — Тўғри, тақрирчиликлар кўп. Бироқ бунда аҳолининг маросимларга, ўз ҳаётининг унутилмас даврига эътиборини назарда тутсақ, бу камчилик бирор-бир нуқсон ҳисобланмайди. Санъат ва маросимлар боғлиқлигининг мана шу заминда сақланиб қолганлиги дунёда камдан-кам учрайдиган воқеалар. Албатта, бу — жуда катта тадқиқот манбаи. Чукүрроқ ўрганилса, санъат тарихи билан боғлиқ жуда катта кашфиётларга йўл очади.

Темур ЭШБОВ, «Халқ сўзи» мухбири.

РЕКЛАМА ВА ЭЪЛОНЛАР

2018/2019 ўқув йили учун магистратурага тингловчилар қабул қилиш ҳақида Ўзбекистон Республикаси Президенти ҳузуридаги Лойиҳа бошқаруви миллий агентлиги қошидаги КОРПОРАТИВ БОШҚАРУВ ИЛМИЙ-ТАЪЛИМ МАРКАЗИ 2018/2019 ўқув йилига «Бизнесни бошқариш» («Master of Business Administration — MBA») ва «Лойиҳа бошқаруви» («Project management») мутахассисликлари бўйича магистратурага тингловчилар қабулини эълон қилади.

Корпоратив бошқарув илмий-таълим марказига йиллик қабул квотаси куйидаги миқдорда белгиланган: «Лойиҳа бошқаруви» («Project management») мутахассислиги бўйича — 40 киши; «Бизнесни бошқариш» («Master of Business Administration — MBA») мутахассислиги бўйича — 40 киши. Уқитиш — тўлов-контракт асосида: «Лойиҳа бошқаруви» («Project management») мутахассислиги бўйича ўқитиш магистратуранинг бир йиллик таълим дастурига мувофиқ; «Бизнесни бошқариш» («Master of Business Administration — MBA») мутахассислиги бўйича ўқитиш магистратуранинг икки йиллик таълим дастурига мувофиқ амалга оширилади.

«AGRO SANOAT MULK MARKAZI» МЧЖ очик аукцион савдоларига тақлиф этади.

«Agro sanoat mulk markazi» МЧЖда 2018 йил 7 август куни соат 11.00 да бошланғич баҳоси босқичма-босқич ошиб бориш тартибидега ўтказилган очик аукцион савдосига Ўзбекистон Республикаси Транспорт прокуратурасига қарашли куйидаги автотранспорт воситалари Ўзбекистон Республикаси Вазирлар Маҳкамасининг «Бюджет ташкилотлари ва давлат унитар корхоналарининг асосий воситаларини ҳамда қурилиши тугалланмаган объектларни сотиш, шунингдек, уларни сотишдан тушган пул маблағларини тақсимлаш тартиби тўғрисидаги низомни тасдиқлаш ҳақида»ги 2009 йил 31 декабрдаги 343-сонли қарорига асосан, тақроран қўйилмоқда:

- 2007 йилда ишлаб чиқарилган, давлат рақами 30/731 ZDF (транзит рақами 14 С 6114) бўлган, «ГБА СПГ Nexia» русумли.
- Бошланғич баҳоси — 28 191 000 сўм.
- 2006 йилда ишлаб чиқарилган, давлат рақами 75/530 ВАА (транзит рақами 19 А 4963) бўлган, «Nexia» русумли.
- Бошланғич баҳоси — 27 041 000 сўм.

имзоланган санадан бошлаб беш кун мобайнида 100 фоиз тўланиши зарур. Автотранспорт воситалари Тошкент шаҳри, Туркистон кўчаси, 8-«А» уйда сақланмоқда. Аукцион савдосига қўйилган автотранспорт воситалари билан сотувчи вакили иштирокида бевосита жойида танишиш мумкин. Ҳурматли талабгорлар! Юқорида қайд этилган автотранспорт воситалари ушбу аукцион савдосида сотилмай қолган тақдирда, уларни сотиш бўйича тақрорий аукцион савдоси 2018 йил 23 август куни соат 11.00 да бўлиб ўтади. Аукцион савдоларида қатнашиш учун талабгорлардан аризалар иш кунлари соат 10.00 дан 17.00 гача қабул қилинади ва савдога бир кун қолганда соат 17.00 да тўхтатилади. Аукцион савдосида иштирок этиш учун талабгорлар автотранспорт воситаси бошланғич баҳосининг 50 фоизидан кам бўлмаган миқдордаги зақалат пулини савдо ташкилотчиси — «Agro sanoat mulk markazi» МЧЖнинг «Капиталбанк» АТБ Мирзо Улуғбек филиалидаги куйидаги ҳисоб рақамига тўлашлари шарт: 2020800804948004002, МФО: 01018, СТИР: 302159464. Манзил: Тошкент шаҳри, Қушбеги кўчаси, 18-уй. Телефон: (0-371) 250-95-96. Гувоҳнома № 006388.

Micros POS-СИСТЕМИ И АВТОМАТИЗАЦИЯ. Чековые принтеры, сканеры штрих-кодов, дисплеи покупателя, POS-терминалы и моноблоки, весы с чекопечатью. Лицензионное программное обеспечение. АТОН, Microinvest, аудитида. Своевременная поставка / автоматизация под ключ.

Ушбу жойда Сизнинг Реклама Рекламнинг бўлиши мумкин эди! Манзил: Тошкент ш., Матбуотчилар к., 32-уй. Тел.: (0-371) 232-11-15, 232-10-63. E-mail: reklama@xs.uz

«AMKODOR-TASHKENT» МЧЖ ХК. «AMKODOR», «САЛЕО», «AMKODOR-СЕМАШ» холдингларининг Ўзбекистон Республикасидаги расмий дистрибьютори. Европа сифатидаги техника ва жиҳозлар Ўзбекистонда. Маҳсулот сертификатланган. Тел./факс: (+99871) 283-42-18, тел.: (+99871) 283-42-17, Моб.: (+99890) 974-00-61, 974-00-81.

Халқ сўзи Народное слово. Бош муҳаррир Ўткир РАҲМАТОВ. 2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 745. 78 621 нусxada босилди, ҳажми — 2 табоқ. Офсет усулида босилган. Қозғоқ бичими А—2. Баҳоси келишилган нархда. ТЕЛЕФОНЛАР: Девонхона (0-371) 233-52-55; Котибият (0-371) 233-10-28; Эълонлар (0-371) 232-11-15.

ТАХРИРГАТ КЕЛГАН ҚЎБАНМАЛАР ТАҚДИР ҚИЛИНАЙДИ ВА МУАЛЛИФГА ҚАЙТАРМАЙДИ. Газетанинг сўзлаб берилиши учун обунани расмийлаштирган тақдирда жавобгар. Газета таҳририят компьютер марказида термал ҳамда оператор А. Исмаилов томонидан саҳифалайди. Газетанинг полиграфия жиҳатидан сифатли чоп этилишига «Шарқ» нашриёт-матбаа акциядорлик компанияси масъул. Босмахона телефони: (0-371) 233-11-07. МАНЗИЛИМИЗ: 100000, Тошкент шаҳри, Матбуотчилар кўчаси, 32-уй. Навбатчи муҳаррир — Қ. Хидиров. Навбатчи — Д. Каримов. Мусахҳах — Ш. Машраббоев. «Шарқ» нашриёт-матбаа акциядорлик компанияси босмахонаси. Корхона манзили: «Буюк Турон» кўчаси, 41. ЎзА яқини — 00.05 Топширилди — 01.30 1 3 4 5 6